

“ТАСДИҚЛАЙМАН”
“Навоийуран” ДК
бош директори

Ж.Т.Хасанов

050 01

2022 йил




“КЕЛИШИЛГАН”
НКМК ходимлари Касаба
уюшмаси кенгаши раиси

И.К.Рахматов

2022 йил

“05” 01 RAYOSA
даги
№3/9-3-1 байнома



ИЧКИ МЕХНАТ ТАРТИБИ ҚОИДАЛАРИ

I. Асосий қоидалар

1. “Навоийуран” Давлат корхонаси (кейинчалик матнда “Навоийуран” ДК ёки корхона деб юритилади) ходимларининг меҳнатга оид муносабатлари меҳнат ҳақидаги конунчилик, жамоа шартномаси, буйруклар, йўрикномалар ва бошка меъёрий хужжатлар билан тартибга солинади.

2. Ўзбекистон Республикаси Конституциясининг 37-моддасига мувофик, хар бир шахс меҳнати учун қонун хужжатларида белгиланган меҳнатта ҳак тўлашнинг энг кам микдоридан оз бўлмаган микдорда ҳак олиш;

- муддатлари чегараси белгиланган иш вактини белгилаш, бир катор касблар ва ишлар учун иш кунини қискартириш, хар ҳафталик дам олиш кунлари, байрам кунлари, шунингдек, ҳак тўланадиган йиллик таътиллар бериш орқали таъминланадиган дам олиш;

- хавфсизлик ва гигиена талабларига жавоб берадиган шароитларда меҳнат килиш;

- касбга тайёрлаш, қайта тайёрлаш ва малакасини ошириш;

- меҳнат вазифаларини бажариш натижасида соғлигига ёки мол-мулкига етказилган заарнинг ўрнини коплаш;

- касаба уюшмаларига ҳамда ходимлар - ва меҳнат жамоаларининг манфаатларини ифода этувчи бошка ташкилотларга бирлашиш;

- кариганда, меҳнат қобилиятини йўқотганда, бокувчисидан маҳрум бўлганда ва конунда назарда тутилган бошка холларда ижтимоий таъминот олиш;

- ўзининг меҳнат ҳуқукларини суд ёки малакали юридик ёрдам олиш орқали химоя килиш;

- жамоавий ва якка меҳнат низоларида ўз манфаатларини химоя килиш;

- жамоа шартномасида назарда тутилган бошка ижтимоий шароитларга эга бўлиш ҳуқуқига эгадир.

3. Ушбу ички меҳнат тартиби Қоидалари корхонанинг барча ходимларига таалукли бўлиб, меҳнат интизомини мустахкамлаш, иш вактидан оқилона фойдаланиш, ишнинг юкори сифатига эришиш, шунингдек, ходимларнинг қонуний ҳуқуклари ва манфаатларини химоя килиш ва таъминлашга қўмаклашиш мақсадини назарда тутади.

4. Ички меҳнат тартиби Қоидаларини тадбик қилиш билан боғлиқ масалаларни иш берувчи ўз хукуклари доирасида ҳал килади, амалдаги қонунчиликда назарда тутилган ҳолларда эса касаба уюшмалари билан биргаликда ёки улар билан келишилган ҳолда ҳал килади.

II. Мехнат шартномасини тузиш, ўзгартиришлар киритиши ва бекор қилиш тартиби

5.Ходим ўзининг меҳнат қилиш хукукини корхона ва унинг бўлинмаларида ишлаш тўғрисида ёзма шаклда меҳнат шартномасини тузиш йўли билан амалга оширади.

6. Ишга қабул қилиш вактида ишга кираётган шахс қуидаги хужжатларни тақдим этиши шарт (ЎзР МК 80-мод.):

- Паспорт, ID карта ёки унинг ўрнини босадиган бошқа хужжатни, ўн олти ёшгача бўлган шахслар эса, тугилганлиги тўғрисидаги гувохнома ва турар жойидан маълумотномани;

- чет эл фуқаролари, фуқаролиги бўлмаган шахслар амалдаги қонунчиликда кўрсатилган хужжатларни тақдим қиласидар;

- меҳнат дафтарчасини, биринчи маротаба ишга кираётган шахслар бундан мустасно.

Ўриндошлиқ асосида ишга кираётган шахслар меҳнат дафтарчаси ўрнига асосий иш жойидан берилган маълумотномани;

- ҳарбий хизматга мажбурлар ёки чакирилувчилар тегишли ҳарбий билетни ёки ҳарбий хисобда турганлик ҳақидаги гувохномани;

- конун хужжатларига мувофиқ маҳсус маълумотта ёки маҳсус тайёргарликка эга шахсларгина бажариши мумкин бўлган ишларга кираётганда олий ёки ўрта маҳсус ўқув юртини тамомлаганлиги тўғрисидаги дипломни ёхуд мазкур ишни бажариш хукукини берадиган гувохномани;

Ишга қабул қилиш вактида ишга кираётган шахсдан қонун хужжатларида кўрсатилмаган хужжатларни талаб қилиш тақиқланади.

Суд хукми билан муайян лавозимларни эгаллаш ёки муайян фаолият билан шугулланиш хукувидан маҳрум қилинган шахсларни, улар томонидан бажариши таъкидланган ишларга қабул қилишга йўл қўйилмайди.

7. Ишга қабул қилиш (ЎзР МК 82-мод.) иш берувчининг буйруги билан расмийлаштирилади. Буйрук учун асос бўлиб ходим билан тузилган меҳнат шартномаси ҳисобланади. (ЎзР МК 82-мод.)

Ишга қабул қилиш ҳақидаги буйрук, тузилган меҳнат шартномасининг мазмунига тўла мувофиқ равишда расмийлаштирилади ва ходимга ёзма таништириш орқали маълум қилинади.

8. Мехнат шартномасида (ЎзР МК 73-мод.) тарафларнинг келишуви билан қуидагилар белгиланади:

- иш жойи (корхона ва унинг бўлинмалари);
- ходимнинг меҳнат вазифалари - мутахассислиги, малакаси, у ишлайдиган лавозим;
- ишнинг бошланиш куни;
- шартноманинг амал қилиш муддати;
- меҳнатта хақ тўлаш миқдори ва меҳнатнинг бошқа шартлари.

Агар меҳнат шартномасида унинг амал қилиш муддати кўрсатиб ўтилмаган бўлса, меҳнат шартномаси номуайян муддатга тузилган деб ҳисобланади. (ЎзР МК 75-мод.)

9. Ишга қабул қилиш хуқукига эга бўлган мансабдор шахс томонидан ёки унинг ижозати билан ходимга хакикатда ишлашга рухсат этилган бўлса, ишга қабул қилиш тегиши равишда расмийлаштирилган ёки расмийлаштирилмаганлигидан қатъий назар, иш бошланган кундан эътиборан меҳнат шартномаси тузилган деб хисобланади. (ЎзР МК 82-мод.)

Меҳнат шартномаси бир хил юридик кучга эга бўлган 2 нусхада тузилади ва хар бир тарафга саклаш учун топширилади. (ходимга тилхат оркали) (ЎзР МК 74-мод.)

10. Иш берувчи қонунда белгиланган тартибда ходимни ишга қабул қилиш ёки бошка ишга ўтказишда уни қўйидагилар билан танишириши шарт:

а) меҳнат шартлари билан. Меҳнат шартлари дейилгандан корхона ва унинг бўлинмаларида амалда бўлган ижтимоий ва ишлаб чиқариш омилларининг мажмуюи тушунилади.

Ижтимоий омиллар жумласига меҳнатта ҳак тўлаш миқдори, иш вақти давомийлиги, таътилнинг муддати ва жамоа шартномасида белгиланган бошка шартлар киради.

Ишлаб чиқариш омилларига техник, технологик, санитария, гигиенага оид, ишлаб чиқариш-маиший шартлар, корхонанинг иш тартиби, обьектларнинг кўриклиниш тартиби ва бошка шартлар киради.

б) имзо қўйилган ҳолда Ички меҳнат тартиби қоидалари ва жамоа шартномаси, пенсия, шу жумладан имтиёзли асосларда тайинлаш тартиби билан;

в) хавфсизлик техникаси, ишлаб чиқариш санитарияси, ёнғиндан саклаш Қоидалари ва меҳнат муҳофазасига доир амалдаги бошқа Қоидалар билан;

г) маҳфий маълумотларни саклаш қоидалари билан.

11.Иш берувчи корхонада беш кундан ортиқ ишлаган барча ходимларга меҳнат дафтарчасини тутиши шарт, ўриндошлиқ асосида ишловчилар бундан мустасно (ЎзР МК 81-мод.).

12. Бошқа доимий ишга ўтказишга (ходимнинг меҳнат вазифаларини ўзгартиришга), унга бошқа мутахассислик, малака, лавозимга оид ишни топширишга факат унинг розилиги билан йўл қўйилиши мумкин. (ЎзР МК 92-мод.)

Ходимнинг розилигисиз бошқа ишга вақтинча ўтказишга ишлаб чиқариш зарурияти ва туриб қолиши муносабати билан рухсат этилади. Бунда ходимни унинг соғлигига тўғри келмайдиган ишга ўтказишга йўл қўйилмайди.

Бошқа ишга ўтказиш муддатининг чегараси, меҳнатга тўланадиган ҳакнинг аниқ микдорлари, шунингдек, ишлаб чиқариш зарурияти деб хисобланадиган ҳолатлар жамоа шартномасида кўрсатилади (ЎзР МК 95-мод.)

Ходимни бир бўлинмадан бошкасига ўтказиш корхонада белгиланган тартиб асосида амалга оширилади.

13. Меҳнат шартномаси факат қонунчиликда кўзда тутилган асослардагина бекор килиниши мумкин.

Ходим номуайян муддатга тузилган меҳнат шартномасини ҳам, муддати тугагунга қадар муддатли меҳнат шартномасини ҳам, икки хафта олдин иш берувчини ёзма равишда огохлантириб, бекор килишга ҳаклидир.

Ходим билан иш берувчи ўртасидаги келишувга биноан меҳнат шартномаси огохлантириш муддати тугамасдан олдин ҳам бекор килиниши мумкин. (ЎзР МК 99-мод.)

14. Муддатли меҳнат шартномаси муддати тугаши билан бекор килинади. Агар муддат тугагандан кейин ҳам меҳнатта оид муносабатлар давом этган бўлса

ва тарафлардан бирортаси бир хафта давомида унинг бекор қилинишини талаб килмаган бўлса, шартнома номуайян муддатга узайтирилган деб хисобланади. (ЎзР МК 105-мод.)

15.Мехнат шартномасини бекор қилиш ишга қабул қилиш хуқукига эга бўлган шахслар томонидан амалга оширилади ва буйруқ билан расмийлаштирилади.

16.Охирги иш куни меҳнат шартномаси бекор килинган кун хисобланади (ЎзР МК 107-мод.)

Мехнат шартномаси бекор килинган куни иш берувчи ходимга унинг меҳнат дафтарчасини хамда меҳнат шартномасининг бекор қилиниши хакидаги буйрукнинг нусхасини бериши ва у билан хисоб-китоб қилиши шарт (ЎзР МК 108, 110-моддалари).

III. Ходимнинг асосий мажбуриятлари

17.Ходим ўз меҳнат вазифаларини ҳалол, вижданан бажариши:

- меҳнат интизомига риоя қилиши;
- иш берувчининг конуний фармойишларини ўз вактида ва аниқ бажариши;
- технологик интизомга, меҳнат муҳофазаси, техника ҳавфсизлиги ва ишлаб чиқариш санитарияси талабларига риоя қилиши;
- иш берувчининг мол-мулкини авайлаб асрани;
- режага асосланган топширикларни ва белгиланган ишлаб чиқариш меъёrlарини бажариши;
- ишларни меъёрида бажарилишига тўскинилик килувчи ёки кийинлик тугдирувчи сабаб ва шартларни (бекор туриш, авария, режим талабларига риоя килмаслик) зудлик билан бартараф этиш чораларини кўриши ва иш берувчига зудлик билан бу ҳақда хабар бериши;
- моддий бойликлар ва хужжатлар, рухсатномалар, шахсий гувохномалар ва бошка хизмат, шунингдек, маҳфий тусдаги маълумотга эга бўлган хужжатларни сақлашнинг белгиланган тартибларига риоя қилиши. Уларни йўқотган тақдирда зудлик билан иш берувчини бу ҳақда хабардор қилиши;
- давлат, хизмат ва тижорат сирларини сақлаши;
- иш жараёнида мулокотда бўладиган меҳнат жамоаси аъзолари, корхона мижозлари ва бошка шахслар билан хушмуомала бўлиши;
- ишга олиб борадиган ва ишдан олиб кайтадиган корхона транспортида жамоа тартибига риоя қилиши шарт.

Ходим ишга расмийлаштириш жараёнида, корхона бўлинмаларининг ўзига хос хусусиятларини хисобга олган ҳолда, кўшимча равишда қўйидаги хужжатларни тақдим этиши лозим:

- ходим томонидан тўлдирилган шахсий варага (анкета) ва таржимаи ҳол;
- Паспорт ёки ID карта, шунингдек шахсни тасдиқловчи бошка хужжат нусхаси, 3,5x4,5 см хажмда оқ фондаги рангли фотосурат, яқин кариндошларининг шахсини тасдиқловчи хужжатларидан нусха (mehnat.uz учун)

Фуқаролик паспорти ёки ID карта алмаштирилганда, шахсий маълумотлар ўзгарганда, ходим ушбу ўзгаришлар тўғрисида иш берувчига маълум қилиши зарур.

18.Ҳар бир ходим ўз мутахассислиги, малакаси ва лавозимига доир вижданан бажариши лозим бўлган вазифалари (ишлари) белгиланган тартибда тасдиқланган тариф-малака маълумотлари, техник коидалар, лавозим йўрикномалари билан белгиланади.

19. Ҳар бир ходим унга юкланган меҳнат вазифалари доираси билан бўлинма, бўлим, цех, участка раҳбари томонидан лавозим (ишчи) йўрикномаси ёки бўлинма тўғрисидаги Низом асосида олдиндан, шахсий имзоси оркали таништирилиши лозим.

20. Ходим меҳнат муҳофазаси меъёрларига, қоида ва йўрикномаларига, шунингдек, маъмуриятнинг ишни бехатар олиб бориши ҳакидаги фармойишларига риоя килиши, олинган индивидуал химоя воситаларидан фойдаланиши, инсонлар ҳаёти ва соглигига бевосита хавф соладиган ҳар қандай ҳолат ҳакида, шунингдек, иш жараённида ёки у билан боғлик ҳолда содир бўлган ҳар қандай баҳтсиз ходиса ҳакида ўзининг бевосита раҳбарини (бригадири, устаси, участка бошлиги ва бошқаларни) дарҳол хабардор қилиши шарт. (ЎзР МК 212-мод.)

21. Ходим Ўзбекистон Республикаси Меҳнат Кодексининг 214-моддасида кўрсатилган талабларга асосан, меҳнат шартномаси тузиш чоғида дастворлар тарзда ва кейинчалик (иш давомида) вакти-вакти билан тиббий кўрикдан ўтиши шарт.

22. Иш берувчига етказилган зарар учун ходимга Ўзбекистон Республикаси Меҳнат Кодексида белгиланган тартиб асосида ва микдорларда тўлиқ моддий жавобгарлик юклатилади.

IV. Иш берувчининг асосий мажбуриятлари

23. Иш берувчи ходимлар меҳнатини ташкил қилиши, қонунлар ва бошка меъёрий хужжатларда, меҳнат шартномасида назарда тутилган меҳнат шароитларини яратиб бериши, меҳнат ва ишлаб чиқариш интизомини таъминлаши, меҳнат муҳофазаси қоидаларига риоя этиши, ходимларнинг эҳтиёж ва талабларига эътибор билан қарashi, уларнинг меҳнат ва турмуш шароитларини яхшилаб бориши, Меҳнат Кодексига мувофик жамоа шартномаларини тузиши шарт:

а) ҳар бири белгиланган топшириқ билан иш бошлангунга қадар ўз вактида таништирилган ва кун давомида иш билан таъминланган, ўзига биркитилган иш жойига эга бўлиши ва ўз мутахассислиги ва малакаси бўйича ишлашини тўғри ташкил этиш; меҳнатнинг соглом ва хавфсиз шароитларини, асбоб, машина, дастворлар ва бошка ускуналарнинг соз ҳолатини, шунингдек, узлуксиз ва бир маромда ишлаш учун зарур бўлган ҳом ашё, материаллар ва бошка ресурсларнинг меъёрий захираларини таъминлаши;

б) фан, техника, меҳнатни илмий ташкил этишнинг энг янги ютукларини жорий қилиш йўли билан меҳнат унумдорлигини ошириш учун шароитлар яратиши; ишлаб чиқариш самарадорлигини, иш ва ишлаб чиқариладиган маҳсулот сифатини ошириш, паст самарали ва жисмоний оғир кўл меҳнатини кискартириш, ишлаб чиқаришни ташкил этиш маданиятини оширишга доир тадбирларни амалга ошириши;

в) ўз вактида бўлинмаларгача ишлаб чиқариш топширикларини етказиш, ички имкониятларни янада тўларок аниклаш ва улардан фойдаланиш, ҳом-ашё ва материаллар, энергия ва ёқилги сарфининг илмий асосланган меъёрларини, улардан оқилона ва тежамли фойдаланишини таъминлашга қаратилган чораларни амалга оширган ҳолда, топширикларни энг кам меҳнат, моддий ва молиявий харажатлар билан бажарилишини таъминлаши, ишлаб чиқариш самарадорлиги ва ишнинг бошка режавий кўрсаткичларини яхшилаши;

г) доимий равиша мебнатта ҳақ тўлашни ташкил этишни такомиллаштириши, меҳнатни меъёрлаш сифатини ошириши; ходимларнинг ўз шахсий меҳнат ва ишнинг умумий якуний натижаларидан моддий манфаатдорлигини таъминлаши,

мехнатнинг амалдаги ҳак тўлаш ва меъёрлаш шартларини тўғри татбик қилишни таъминлаши, белгиланган муддатларда иш ҳақини бериши;

д) меҳнат интизомини бузувчиларга нисбатан таъсир чораларини ҳамда меҳнатда эришган ютуклари учун рағбатлантириш чораларини кўллаши;

е) меҳнат ҳақидаги конунларга риоя қилиши; меҳнат шароитларини яхшилаши, барча иш жойларига керакли техник хизмат кўрсатишни таъминлаш ва уларда меҳнат муҳофазаси (хавфсизлик техникиси қоидалари, санитария меъёрлари ва қоидалари ва б.) қоидаларига мос келадиган иш шароитларини яратиши лозим. Қоидаларда ишларни бажаришда меҳнатнинг хавфсиз шароитларини таъминлаш учун зарур бўлган риоя килиниши лозим бўлган талаблар бўлмаса, иш берувчи касаба уюшмаси органлари билан келишган ҳолда меҳнатнинг хавфсиз шароитларини таъминлаш чораларини кўриши;

ж) ишлаб чиқаришда шикастланишнинг, ишчи ва хизматчиларнинг касб ва бошқа касалликларининг олдини олиш бўйича зарур чораларни кўриши; қонунчиликда назарда тутилган ҳолларда меҳнатнинг заарли шароитлари билан боғлиқ имтиёз ва товоонларни (қисқартирилган иш куни, кўшимча таътиллар, даволаш-профилактика овқатлари ва б.) ўз вактида тақдим этиши, амалдаги меъёр ва қоидаларга мувофиқ, маҳсус кийим-бош, маҳсус оёқ кийим ва бошқа индивидуал химоя воситалари билан таъминлаши, бу воситаларга лозим бўлган қаровни ташкил қилиши;

з) техника хавфсизлиги, ишлаб чиқариш санитария ва меҳнат гигиенаси, ёнгин хавфсизлиги ва уларни бажариш бўйича йўриқномалардаги барча талабларни ходимларнинг билиши ва уларга амал қилишини доимо назорат қилиши;

и) рационализаторлик таклифлар ва ихтиrolарни ўз вактида кўриб чиқиши ва жорий этиши, ишлаб чиқариш ихтирочиларини кўллаб-куватлаши ва рағбатлантириши, техник ижодга кўмаклашиши;

к) ходимларнинг малакасини, уларнинг билим даражасини мунтазам равишда оширишни таъминлаши, ишлаб чиқаришда ва ўкув юртларида иш ва ўқишни бир вақтда олиб боришга зарур шароитларни яратиши;

л) ходимларнинг талаб ва эҳтиёжларига эътибор билан караши, бевосита корхоналардаги ишчилар учун ошхоналарнинг таъмирланишини ва уларни яхши ҳолатда сакланишини амалга ошириши, амалдаги қонунчиликка мувофик, уй-жой майдонини тақсимлаши ва бу масалаларни ҳал этишда кент ошкораликни таъминлаши;

м) тижорат ва хизмат сирларини ташкил этадиган маълумотлар рўйхатини ходимларга, уларнинг имзоси билан таништириши;

н) маҳфий маълумотларни химоялашга доир талабларга катъий амал қилинишини таъминлаши; корхонанинг иқтисодий манфаатлари ва маҳфий маълумотларни химоялашга қаратилган ишларни доимо амалга ошириши лозим; бўлинмаларнинг раҳбарлари маҳфий маълумотларни сакланишига доир чоратадбирларнинг ташкил этилиши ва уларга амал қилиниши учун жавобгардирлар.

о) Ўзбекистон Республикаси амалдаги қонунчилигига мувофик, ходимларнинг дам олиш, кафолатли ва компенсация тўловларига бўлган хукукини амалга оширишни таъминлаши;

Иш берувчи тегишли ҳолатларда корхона касаба уюшмалари билан келишиб ёки биргаликда ўз вазифаларини амалга оширади (ЎзР МК 177, 179, 188, 189, 196, 213, 214, 215 - моддалари).

V. Иш вақти ва ундан фойдаланиш

24.Ходим иш тартиби ёки графигига мувофик ўз меҳнат вазифаларини бажариши лозим бўлган вақт иш вақти хисобланади.

25.Корхона ходимлари учун иш вактининг нормал муддати ҳафтасига кирк соатдан ортик бўлиши мумкин эмас.

Корхона ходимлари учун асосий иш ҳафтаси - беш кунлик ҳафта хисобланади.

Бир сменада ишловчи корхона ходимларининг иш тартиби куйидагича белгиланади:

Беш кунлик иш ҳафтасида:

- ишнинг бошланиши - 8.00;
- танаффус-12.00-13.00;
- ишнинг тугаши - 17.00;

Олти кунлик иш ҳафтасида:

- ишнинг бошланиши - 8.00;
- танаффус - 12.00 - 13.00;
- ишнинг тугаши - 16.00;
- шанба кунлари танаффусиз 8.00 дан 13.00 гача.

Иш шароитига кўра овқатланиш учун танаффус беришнинг имконияти бўлмаган ходимларга, иш вақтида овқатланиш учун вақт белгиланади. Бундай ишларнинг рўйхати, овқатланишининг бошланиш ва тугаш вақти ва жойи, касаба уюшмаси кўмитаси билан келишган холда иш берувчи томонидан тасдиқланган смена графигида белгиланади.

Ишлаб чиқаришнинг ўзига хос хусусиятларини хисобга олган холда, корхона бўлинмаларига иш вактининг бошланиши ва тугаш қисми бўйича иш вақти тартибига ўзгартиришлар киритиш хукуки берилади; танаффуснинг бошланиши ва давомлилиги амалдаги конуналар талабларига риоя этилган холда амалга оширилади.

Беш кунлик иш ҳафтаси давомида ходимлар учун умумий дам олиш кунлари - шанба ва якшанба, олти кунлик иш ҳафтаси давомида эса - якшанба хисобланади.

26.Ходимларга иш вактининг ҳафтасига ўттиз олти соатдан ошмайдиган қисқартирилган давомийлиги корхона бош директори томонидан тасдиқланган ва корхона ходимлари касаба уюшмаси Кенгаши билан келишилган “Меҳнат шароити ноқулай ишларда банд бўлган ходимларга иш вактини қисқартириш хукукини берувчи ишлар тури, ишлаб чиқаришлар, касблар ва лавозимлар рўйхати”га мувофик белгиланади.

Меҳнат шароити ўта заарли ва оғир ишларда банд бўлган ходимлар учун иш вактининг муддати чегараси Ўзбекистон Республикаси Хукумати томонидан белгиланади (ЎзР МК 117-мод).

Ўзбекистон Республикаси Вазирлар Маҳкамасининг 1997 йил 11 мартағи 133-сонли Карорининг 4-иловаси «Алоҳида тусга эга бўлган ишлардаги қисқартирилган иш куни белгиланадиган ходимлар рўйхати»га мувофик, алоҳида тусга эга бўлган ишлардаги айrim тоифадаги ходимлар учун иш вактининг давомийлиги ҳафтасига ўттиз олти соатдан ошмайдиган килиб белгиланади.

27. Кўп сменали иш тартибидаги кундалик иш вактининг муддати, корхона бўлинмаларидаги меҳнат шароити хусусиятларидан келиб чиккан холда, шунингдек ишнинг (сменанинг) бошланиш ва тугаш вақти, дам олиш ва овқатланиш учун бериладиган танаффус бўлинма раҳбарлари томонидан касаба уюшмаси кўмитаси билан келишиб тасдиқланган смена жадвалларида белгиланади.

Смена жадвалларида ҳар бир ходим учун мунтазам дам олиш кунлари назарда тутилади. Ишнинг тугаши билан кейинги куни (сменада) иш бошланиши ўртасидаги кундалик дам олиш вақтининг муддати ўн икки соатдан кам бўлиши мумкин эмас. (ЎзР МК 128-мод.)

Смена жадваллари, уларни жорий килишдан камида икки хафта олдин ходим жадвал билан таништирилади.

Бир сменадан бошка сменага ўтиш смена жадвалларида белгиланган соатларда амалга оширилиши лозим.

Ишлаб чиқариш узлуксиз бўлган жойларда смена алмашадиган ходим келмай колса, иш берувчи сменада бўлган ходимни бошка ходим билан тезда алмаштириш чораларини кўриши шарт.

28. Барча ходимларга, шу жумладан ўриндошлик асосида ишлаб таътилини тиклаш учун иш жойи (лавозими) ва ўртача иш ҳаки сакланган холда йиллик меҳнат таътиллари берилади (ЎзР МК 133-мод.)

Ходимларга ўн беш иш кунидан кам бўлмаган муддат билан йиллик меҳнат таътили берилади. (ЎзР МК 134-мод.)

29. Йиллик таътилларни бериш навбати таквим йили бошлангунга қадар таасиқланган жадвалга мувофиқ белгиланади.

Йиллик таътил ҳар йили, шу таътил берилаётган иш йили тугагунга қадар берилиши лозим. Ишлаб чиқариш тусидаги сабабларига кўра жорий йилда таътилни тўлиқ бериш имконияти бўлмаган алоҳида ҳолларда, ходимнинг розилиги билан таътилнинг ўн икки иш кунидан ортиқ бўлган қисми кейинги иш йилига кўчирилиши мумкин ва шу йилда таътилнинг қолган қисми фойдаланилиши шарт. (ЎзР МК 143-мод.)

30. Корхона ходимлари учун ўн беш иш кунидан кам бўлмаган йиллик таътилдан, шунингдек, меҳнат шароити нокулай ва алоҳида тусга эга бўлган ишлар учун (ЎзР МК 137-мод.), оғир ва нокулай табиий-иклим шароитларидаги ишлар (ЎзР МК 138-мод.) учун бериладиган қўшимча таътилдан фойдаланиши мажбурийдир, таътилнинг фойдаланилмай колган қисми учун пуллик компенсация тўланади (ЎзР МК 151-мод.)

Ходим жадвал бўйича таътилни фойдаланишдан бош тортса, иш берувчи таътил варакасини ёзиб бериши шарт, бу ҳақда таътил бошланишидан камида ўн беш кун олдин ходимга билдирилади (таътил варакасига имзо кўяди). Таътил варакасида кўрсатилиган санадан бошлаб ходим меҳнат таътилига чиқкан деб хисобланади.

Ходимнинг ҳоҳиши билан, унинг ёзма аризаси асосида таътилни қисмларга бўлишга йўл кўйилади. Бунда таътилнинг бир қисми ўн икки иш кунидан кам бўлмаслиги лозим. (ЎзР МК 146-мод.)

VI. Мехнат учун рағбатлантиришлар

31. Ишлаб чиқаришнинг юкори кўрсаткичларини таъминлаш борасидаги ходимларнинг меҳнатдаги алоҳида хизматлари, ижодкорлиги ва ишдаги бошка ютуклари учун уларнинг манфаатдорлигини ошириш мақсадида, қўйидаги рағбатлантириш чоралари кўлланилади:

- Фахрий ёрлик билан тақдирланади ва Ўзбекистон Республикасида белгиланган базавий хисоблаш миқдорининг бир баробари миқдоридаги пул мукофоти берилади;

- соҳавий «Кончилик шухрати» кўкрак нишонининг уч даражаси билан

тақдирланади ва Ўзбекистон Республикасида белгиланган базавий хисоблаш микдорининг 2, 3, 5 баробари микдорида пул мукофоти берилади (низомга мувофик);

- «НКМК фахрийси» унвони билан тақдирланади ва Ўзбекистон Республикасида белгиланган базавий хисоблаш микдорининг уч баробари микдорида пул мукофоти берилади. (Низомга мувофик)

Рағбатлантиришлар иш берувчининг бўйруғи билан ёки иш берувчи билан касаба ўюшмаси органларининг қўшма қарори асосида расмийлаштирилади хамда жамоа эътиборига етказилади.

Ходимлар меҳнат фаолиятида давлат ва жамият олдидаги алоҳида хизматлари учун давлат мукофотларига тақдим этилиши мумкин.

VII. Мехнат интизомини бузганлик учун жавобгарлик

32. Ходимнинг айби билан меҳнат вазифаларини бажармаслик ёки етарли даражада бажармаслик локал меъёрий ҳужжатларда (“Мукофотлаш тўғрисидаги Низом”, “Навоийуран ДК ходимларига белгиланадиган оширувчи коэффициентлар тўғрисидаги Низом”, “Иш стажи учун тўланадиган устамалар ҳакидаги Низом”) белгиланган интизомий жазо ва бошқа чораларни кўллашга олиб келади.

Ходимга Меҳнат интизомини бузганлиги учун иш берувчи қуйидаги интизомий жазо чораларини кўллашга хақли:

- а) хайфсан;
- б) ўртача ойлик иш ҳакининг 30 фойзидан ортиқ бўлмаган микдорда жарима;
- в) ўртача ойлик иш ҳакининг 50 фойзидан ортиқ бўлмаган микдорда жарима.

Иш ҳакининг 50 фойзидан ортиқ бўлмаган микдордаги жарима меҳнат интизомини мунтазам бузганлиги; ходимнинг айби билан муҳр, тўртбурчак муҳр, руҳсатномани йўқотганлиги; ходимнинг айби билан режа топшириқларининг бажарилиши барбод бўлганлиги; маҳфийлик тартиби (режим) ва конфиденциаллик, меҳнат муҳофазаси ва техника хавфсизлиги талабларини бузганлик учун, ходим таништирилган меҳнат муҳофазаси йўрикномалари билан кўзда тутилган индивидуал химоя воситаларидан (махсус кийим, маҳсус пояфзал ва бошқа ИҲВ) меҳнат вазифаларини бажараётган вактда -фойдаланмаслик, 2-кичик бандда кўрсатилган меҳнат вазифаларини бир марта кўпол равишда бузганлик учун кўлланилади;

- г) меҳнат шартномасининг бекор килиниши (ЎзР МК 100-мод., 3, 4-бандлари).

Иш берувчининг ташаббуси билан меҳнат шартномасини бекор килишга қуйидаги сабаблардан бири мавжуд бўлған ҳолларда йўл қуйилади:

1.Ходимнинг ўз меҳнат вазифаларини мунтазам равишда бузганлиги.

1.1. Аввал меҳнат вазифаларини бузганлиги учун ходим интизомий ёки моддий жавобгарликка тортилган ёхуд унга нисбатан меҳнат тўғрисидаги қонунлар ва бошқа меъёрий ҳужжатларда назарда тутилган таъсир чоралари кўлланилган кундан эътиборан бир йил мобайнида ходим томонидан такроран интизомга хилоф ножӯя харакат содир килиниши меҳнат вазифаларини мунтазам равишда бузиш хисобланади.

2.Ходимнинг ўз меҳнат вазифаларини бир марта кўпол равишда бузганлиги.

Меҳнат шартномасини бекор килишга олиб келиши мумкин бўлган меҳнат вазифаларининг бир марта кўпол равишда бузилганлиги деб қуйидаги ҳолатлар саналади:

2.1.Иш куни (смена) давомида узрли сабабларсиз, узлуксиз ёки кўшиб хисоблаганда уч соатдан ортиқ вакт мобайнида ишда бўлмаслик.

2.2. Алкоголь, наркотик ва токсик моддалар таъсирида, гувохлар кўрсатмалари ёки тиббий хулоса ва бошқа далиллар билан тасдиқланган мастлик даражасида ишга келиш.

2.3. Иш вактида рухсат этилмаган оммавий йигилиш, мажлис, кўча юришлари ва намойишларда катнашганлик.

2.4. Суд ҳукми ёки қарори, олиб кўйиш далолатномаси ёхуд транспорт воситаларининг йўлдошли мониторинг тизими базасида ёқилғи-мойлаш материалларидан фойдаланишни назорат қилиш ахборот тизимининг ёнилғи даражаси датчиги ва GPS/ГЛОНАСС трекери кўрсатмалари билан тасдиқланган, ходим томонидан иш вактида ва ишдан ташқари вактда корхона мулкини, шу жумладан ЁММ барча турларини (дизель ёқилғиси, бензин, мойлаш материаллари, газнинг барча турлари ва ш.к.) талон-тарож қилиш (жумладан, кам микдордагиси ҳам) ёки талон-тарож қилишга уринишни амалга ошириш. Ҳужжатларни тегишили тартибда расмийлаштирмастан корхона худудидан товар-моддий бойликларининг олиб чикиб кетилиши ёки олиб чикиб кетишга харакат қилиш.

2.5. Ҳужжатларни тегишили тартибда расмийлаштирмастан корхона худудидан товар-моддий бойликларнинг олиб чикиб кетилиши ёки олиб чикиб кетишга харакат қилиш.

2.6. Бевосита пул ёки товар бойликлари билан муомала қилувчи ходим айбли харакатлар содир қиласа, агар бу харакатлар иш берувчининг унга нисбатан ишончини йўқотишига асос бўлса.

2.7. Тарбиявий ишларни бажарувчи ходим ўзининг ишини давом эттиришга хилоф бўлган ахлоксиз харакатни содир этса.

2.8. Корхона худудида спиртли ичимликларни истеъмол қилиш.

2.9. Корхона худудида, ходим давлат манфаатидаги қишлоқ ҳўжалик ишларини бажарадиган худудда шунингдек, корхонанинг жамоат транспортида яшаш жойидан иш жойигача ва иш жойидан яшаш жойигача бўлган оралиқдаги йўл давомида жамоат тартибини бузса.

2.10. Ходимнинг айби билан корхонанинг давлат, хизмат, тижорат сирларини ташкил қилган ҳужжатлар йўқолса, бундай ҳужжатлар, хар кандай турдаги уларнинг нусхалари, шунингдек, улардаги маълумотлар алоказанинг электрон каналлари оркали бошқа шахслар ва ташкилотларга берилса.

2.11. Техника хавфсизлиги қоидалари, ишлаб чиқариш технологиясини кўпол равишда бузиш туфайли корхона ходимлари, шу жумладан ҳуқуқбузарлик содир этган ходимнинг ўз хаёти ва соғлиги учун хавф соловчи ҳолатларга олиб келганда.

2.12. Ходимнинг айби билан технологик ёки молиявий интизом бузилиб, яроксиз маҳсулот чиқарилса, молиявий хатоликлар юз берса, ускунадар тўхтаб колса, ишдан чикса.

2.13. Керакли ҳужжатларни расмийлаштирмастан, ўзбошимчалик билан шахсий максадларда корхонада буюм ёки эҳтиёт кисмларни тайёрлаш ва уларни таъмирлаш.

2.14. Ходимнинг Ўзбекистон Республикасида белгиланган базавий хисоблаш микдорининг 10 баробаридан кўп микдорда иш берувчига зарар етказишига олиб келувчи ёки режа-топширик бажарилишининг тўхтатилишига олиб келувчи харакати ёки харакатсизлиги.

2.15. Объектларни кўриқлаш бўйича “НКМК идоравий ҳарбийлаштирилган кўриқлаш хизмати тўғрисидаги Низоми” билан белгиланган хизматини ўташ, объект ички тартиботи ҳамда Ўзбекистон Республикаси Вазирлар Маҳкамасининг

1994 йил 05 майдаги 239-33-сонли «Ўзбекистон Республикасида маҳфийликни таъминлаш бўйича» йўрикномаси талабларининг кўпол равишда бузилишлари хизмат текшируви далолатномаси билан тасдиқланганда.

Жумладан:

- постда ухлаб қолиш;
- постни ўзбошимчалик билан тарк этиш;
- шахсларни, уларнинг кўл юкларининг (кириш хужжатларининг, халталарининг, сумкаларининг) ва НҮП оркали ўтказиша автотранспорт воситаларининг текшириб кўрилишини пост назоратчиси томонидан амалга оширмаслик билан боғлик ўтказиш тартиби талабларининг бузилиши.

2.17. Ижро интизомини бузиш, яъни Ўзбекистон Республикаси Президенти фармонлари, фармойишлари ва топширикларида, Ўзбекистон Республикаси Хукумати карорлари ва фармойишларида, юқори органлар ва иш берувчининг қарорларида белгиланган вазифаларни тўлиқ ва ўз вақтида бажармаслик.

2.18. Транспорт воситаси ҳайдовчиси (машинисти)нинг гувоҳлар кўрсатмалари, тезлик ўлчовчи лента ёйилмаси маълумотлари, GPS (йўлдошдан кузатув тизими) приборлари ҳамда йўлдошли мониторинг килиш борт тизими (трекерлар) маълумотлари билан тасдиқланган, йўл (маршрут) варакасида кўрсатилган маршрутдан, бевосита раҳбар ёки буюртмачидан кўрсатма (топширик, буйрук) олмасдан туриб четга чикиш, шунингдек, линиядаги иш пайтида, транспорт воситасини асоссиз тўхтатиши.

2.19. Ишчи-ходимнинг йўлдошли мониторинг килиш борт тизими (трекерлар), GPS йўлдошдан кузатиш тизими, Бриз-МАКС кенг полосали симсиз уланиш ускуналари ишига аралашиш, шунингдек йўл (маршрут) варагида белгиланган йўналишдан оғиш ва линияда транспорт воситасини асоссиз тўхтатиши далилларини яшириш мақсадида юкорида кўрсатилиш ускуналарни шикастлаш.

2.20. Транспорт воситасини бошқараётган ишчи-ходимлар томонидан транспорт воситасининг спидометри, тезликни ўлчаш ускунаси, ёкилги баки ва ёкилги баклардаги (ёкилги ускунасидаги) мосламаларининг пломбалари яхлитлигини бузиш.
Километраж (соатлар) хисоблагичлари кўрсаткичларини мажбурий ўзгартириш учун механик ва электр мосламалардан фойдаланиш мақсадида транспорт воситаси ҳайдовчисининг (машинистининг) спидометр (тезликни ўлчаш) ускунаси, ёкилги сатҳи датчикларини қасдан шикастлаш ёки уларнинг ишига аралашиш, спидометр ускунаси ва ишлаш вақти хисоблагичлари (СВН) электр схемалари яхлитлигини бузиш, шунингдек юкоридаги мосламалардан фойдаланиш, транспорт воситаси кабинасида (салонида) уларни саклаш.

2.21. Ишчи-ходимлар томонидан бегона шахслар ва транспорт воситаларининг корхона обьектлари худудига рухсат берилмаган ҳолда кириши, шунингдек уларнинг мазкур обьектлар худудидан (транспортда) чикиши учун қасдан шароитлар яратиш.

2.22. Раҳбариятнинг ёзма рухсатисиз транспорт воситаларига ва компрессор курилмаларига, бургилаш курилмаларига, пайвандлаш агрегатларига, дизелли электростанцияларга конструкцияда кўзда тутилмаган ЁММни (ГСМ) саклаш учун кўшимча ёкилги баклари ва сифимларини ўрнатиш, шунингдек ёкилги бакида ёкилгининг хакиқатда мавжудлигини текшириш комиссия далолатномаси билан тасдиқланган ҳисобга олинмаган (ортиқча) ёкилгининг транспорт воситаси ёкилги бакида бўлиши.

2.23. Корхонанинг товар-моддий бойликларини, шу жумладан ёнилғи-мойлаш маҳсулотлари (дизель ёқилғиси, бензин, мойлаш маҳсулотлари) ва совутувчи суюқликларининг барча турларини олиш, қабул қилиш, саклаш, таркатиш (узатиш) ва ташишнинг ўрнатилган тартибини бузиш, шунингдек корхонанинг топилган юқорида санаб ўтилган мулкларни яшириш.

2.24. Қимматбаҳо, радиактив, ноёб ва ноёб ер элементлари (ёки таркибида улар бўлган маҳсулотлар) ва кимматбаҳо тошлар ёки таркибида улар бўлган буюмларни (ускуналарни) ишлаб чиқаришда ёки қазиб олишда, чиқаришда (узатишда) ва ташишда ишлатиш, йигиши, олиш, қабул қилиш, саклашнинг ўрнатилган тартибини бузиш, шунингдек топилган юқорида санаб ўтилган мулкларни яшириш.

2.25. Рангли металлнинг барча турларини, уларнинг синик парчалари ва чикиндиларини тайёрлаш, ишлатиш, олиш, қабул қилиш, саклаш, чиқариш (узатиш) ва ташишнинг ўрнатилган тартибини бузиш, шунингдек корхонанинг топилган юқорида санаб ўтилган мулкларни яшириш.

2.26. Йўл хужжатларини тўлдириш учун маъсул ҳайдовчилар (машинистлар) ва ишчи-ходимлар томонидан ёқилгини асоссиз хисобдан чиқариш мақсадида йўл (маршрут) варағига ёлгон маълумотларни киритиши.

2.27. Иш жойида, меҳнат мажбуриятларини бажариш жараёнида иш вактида ухлаш.

2.28. Ишчининг режа-топширик олишдан, ўз лавозимий ёки иш мажбуриятларини бажаришдан объектив сабаблар бўлмай туриб бош тортиши.

33. Интизомий жазолар ишга қабул қилиш хукук берилган шахслар томонидан кўлланилади.

34. Интизомий жазо кўлланилишидан аввал ходимдан ёзма равишида тушунтириш хати талаб килиниши лозим. Ходим кўрсатилган тушунтиришни беришдан бош торгтан ҳолда тегишли далолатнома тузилади. Ходимнинг тушунтириш хати беришдан бош тортиши унинг илгари содир қилган ножӯя ҳатти-харакати учун жазо кўллашга тўсик бўла олмайди.

Интизомий жазо бевосита ножӯя ҳатти-харакат аниклангандан кейин, аммо бу ҳатти-харакат аниклангандан бошлаб, ходимнинг касал ёки таътилда бўлган вактини хисобга олмасдан, узоги билан бир ой ичida иш берувчи томонидан кўлланилади.

Ножӯя ҳатти-харакат содир этилган кундан бошлаб олти ой ўтганидан, молия-хўжалик фаолиятини тафтиш этиш ёки текшириш натижасида аникланганда эса, содир этилган кундан бошлаб икки йил ўтганидан кейин жазони кўллаб бўлмайди. Жиноий иш бўйича иш юритилган давр бу муддатга кирмайди.

35. Хар бир меҳнат интизомининг бузганлик учун факат бир марта интизомий жазо кўлланилиши мумкин.

Интизомий жазони кўлланишда содир этилган ножӯя ҳатти-харакатнинг қай даражада оғир эканлиги, шу ҳатти-харакат содир этилган вазият, ходимнинг олдинги иши, ишга бўлган муносабати ва хулк-атвори хисобга олинади.

36. Интизомий жазо берилгани тўғрисидаги буйруқ, уни кўлланилганлик сабаблари кўрсатилган ҳолда жазоланган ходимга 10 кун ичida маълум қилинади ва тилҳат олинади (ЎзР МК 182-мод.) Агар ходим ушбу буйруқ учун имзо қўйишдан бош торгса, тегишли далолатнома тузилади.

Зарурий холларда буйруқ ушбу корхонадаги барча ходимларнинг эътиборига етказилади.

Ходимларга меҳнат интизомини бузганлиги учун Ўзбекистон Республикаси Меҳнат кодексининг 181-моддасида назарда тутилган интизомий жавобгарлик чоралари билан биргаликда, ҳамда интизомий жавобгарлик чоралари кўлланилишидан катъий назар, алоҳида локал ҳужжатларда (“Мукофотлаш тўғрисидаги низом”, корхона ходимларига белгиланадиган оширувчи коэффициентлар тўғрисидаги низом”, “Иш стажи учун тўланадиган устамалар хақидаги низом”) белгиланган бошқа таъсир чоралари кўрилиши мумкин (пул мукофотидан, оширувчи коэффициентдан, иш стажи учун устама ҳақдан тўлик ёки кисман маҳрум килиш).

37. Интизомий жазо кўлланилган кундан бошлаб ходимга нисбатан бир йил давомида янги интизомий жазо кўлланилмаса, у интизомий жазо олмаган деб хисобланади.

Интизомий жазони кўллаган иш берувчи, ўз ташаббуси билан ходимнинг илтимосномасига биноан, меҳнат жамоаси ёки ходимнинг бевосита раҳбари илтимосномасига кўра жазони бир йил ўтмасдан олдин олиб ташлашга ҳам ҳакли.

Интизомий жазо амал килиб турган муддат мобайнида ходимга нисбатан ушбу Коидаларда кўрсатилган рағбатлантириш чоралари кўлланилмайди.

38. Ички меҳнат тартиби коидалари бўлинмалар (цехлар)да кўринадиган жойга осиб кўйилади.

39. Ушбу Коидалар имзолангандан кундан бошлаб кучга киритилади.

“Навоийуран” ДК бош директорининг
ходимлар ва маъмурий масалалар бўйича
ўринбосари

“Навоийуран” ДК бош директорининг
иктисод ва молия бўйича ўринбосари

“Навоийуран” ДК бош бухгалтери

“Навоийуран” ДК кадрлар бўлими
бошлиги в.б.

6-сон Бирлашган касаба уюшмаси
Кўмитаси раиси в.б.

“Навоийуран” ДК прогнозлаштириш ва
иктисодий тахлил бўлими бошлиги

“Навоийуран” ДК меҳнатни ташкил этиш
ва иш ҳаки бўлими бошлиги

“Зафаробод” КБ юридик бюро бошлиги



А.И.Одтинов



У.Б.Рузiev




А.С. Адизов



Ж.Ф. Шарипов



Д.Н. Темиров



Н.М. Эргашева



О.Р. Усанов



У.И.Нусратов